



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

III. V. Theologia sit scientia speculatiua, an practica.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

quantumuis diuersissimi discursus, ad vnam ac eadem fidem explicandam, tuendam, & illustrandam referuntur; non ex natura rei, aut ipsius scientiarum; sed intentione scientis: cum interim pertineant ad habitus diuersissimos, vt fidē, opinionem, scientias, & disciplinas varias; quae omnes pariter studio Theologie ancillantur, vt etiam q. 1. dub. 2. & q. 2. dub. 3. dictū. Idemq; etiam in alijs scientijs accedit, quae probabilit̄, adeoq; alienis s̄pē & extra se argumentationibus vtuntur.

<sup>3</sup> Quartus questionis sensus esse potest, utrum Theologia sit vnu habitus, saltem prout ex principijs proprijs Theologicis, nimirum duabus præmissis reuelatis; aut vna reuelata, & altera naturaliter evidente, conclusiones deducit, ijsdēque assentitur. Et ad hanc questionem patet responsio ex dictis supra q. 2. dub. 2. & q. 3. dub. 2. & 3. & hac q. dub. 1. Theologiā vniuersim loquendo, ne sic quidem esse vnu habitu; sed comprehendere duos habitus toto genere diuersos, videlicet naturalē & opinatiuum, vnum; & supernaturale & infusum alterum; qui etiam simpliciter Theologia nomine appellatur; eosque per se minime subordinatos, aut essentiali vinculo inter se coniunctos; in modo nec in eodem subiecto necessario conneccos.

Quintus & primarius questionis sensus, quem etiam S. Thomas hic q. 1. a. 3. vnicē spectauit, est, Utrum Theologia, prout ex principijs reuelatis diuina fide creditis (sive utraque præmissa sit reuelata, sive vna tantum, & altera evidens) colligit conclusionem, eique assentitur, sit vna totalis scientia, saltem unitate specifica, seu eiusdem obiecti scibili, desumpta ex uno obiecto formalī quod, & vna ratione formalē obiectiva propter quam: quo modo Logica, v. g. aut Physica, sunt, & dicuntur, vna scientia totalis; esto contineant interim singulæ plures habitus partiales. Et est Responsio affirmativa, quam tradunt S. Thomas cit. quest. 1. art. 3. & communiter Theologi; speciatim Albertus Mag. in summa tract. 1. quest. 3. & in 1. dist. 1. a. 3. Henricus Gandavensis in summa art. 6. quest. 3. Aegidius 2. part. prologi quest. 2. Richardus quest. 3. Marilius quest. 2. art. 4. Ockam q. 3. princ. Ariminensis quest. 3. art. 3. item Cajetanus, & omnes commentatores S. Thomæ hic q. 1. a. 3.

Probatur. Quia vnitatis hæc scientiarū desumitur, ut dictū, ex uno obiecto scibili, ut scibile est; nimirū habent vna rationē formalē Quæ, & vna rationem formalem Qua, sive propter quam, ut pluribus declarauimus quest. 3. dub. 2. & 3. at vero Theologia habet vnum eiusmodi obiectum scibile; quia habet vnum totale obiectū sive subiectum attributionis, cum vna ratione formalē Quæ, nimirum Deum ut Deum, ut probauimus q. 2. dub. 1. & simul habet etiā vna quondam rationem formalem obiectiuam Qua, sive propter quam, ut explicauimus ead quest. 3. dub. 2. Ergo plane est scientia totalis vna unitate specifica, ut dictum. Neque vero opus est, ut vnius scientiæ obiecta sive subiecta materialia oīia conuenient.

ant in vna quædam ratione essentiali & vniuoca, vt videre est in Metaphysica, quæ versatur circa Ens ut Ens. &c.

Sextus denique questionis sensus esse potest, Utrum Theologia, illo eodem modo accepta, sit vnu simplex habitus, seu vna simplex qualitas. In qua re non consentiunt inter se Doctores. Negant enim Gabriel q. 8. prolog. & ceteri Nominales antea citati; quos sequitur Molinahic q. 1. a. 3. disp. 3. rati videlicet, nec alias scientias totales esse vna simplicem qualitatem: id quod etiam docet Suarez Metaph. disp. 44. Affirmant Gregorius de Valentia hic q. 1. punct. 3. §. 3. Gabriel Vasquez hic disp. 9. num. 1. aliquip recentiores Thomistæ hic quest. 1. art. 3. & fauent Albertus, Henricus, Aegidius, Richardus locis cit. & planè etiam significat S. Thomas hic art. 2. ad 2. vbi docet, sacram doctrinam ita esse vnum habitum, sicut sensus communis est vna potentia; additique, eam esse velut impressionē quandam diuinā scientiæ, quæ est vna & simplex omnium. Qui autores idem etiam de ceteris scientijs naturalibus afferunt, in specie S. Thomas 1. 2. q. 54. a. 4.

Mihi quidem dubium non est, Theologiam simpliciter dictam, esse eo modo vnam, quo fit id est vna. Cum enim uterque habitus sit infusus & supernaturalis, eademq; initatur diuina reuelatione, seu mediatè, seu immediatè, ut dictum quest. 3. dub. 2. non potest in praesenti diuersa esse vitriusque ratio. Fides autem est vna specie in omnibus, & vna numero simplex qualitas in singulis; de quo, inquit Molina loc. cit. nemo dubitat. De Theologia vero naturali & opinariâ par modo ratiocinandū est, sicut de alijs naturalibus habitibus scientiarum; in quibus equidē nil video, cur non vna simplex qualitas (habens tamen suos gradus intensionis & extensionis) possit æquè ad obiecta plura materialia sufficer, atque in supernaturalibus habitus sufficit; de quibus id absque temeritate non videretur posse negari. Accedit hoc pro Theologia specialis ratio; quod ea vnicam tantum, eamque planè simplicem & uniformē haber rationem formalē obiectivam; nempe principiū reuelatū, & ultimatè ipsā reuelationē; quæ supposita sufficienti, positione p̄ se non habet aut parit maiore difficultate respectu vniusq; sensus Theologici, quā respectu alterius; cū tamē in scientijs naturalib; conclusionū assensus s̄pē initatur medijs planè diuersis. Sed q; atq; hoc negotiū est instituti philosophici, nō est in eo diutius imorandum. Plura tomo 2. disp. 3. dub. 4.

### D V B I V M III.

#### Vtrum Theologia sit scientia, practica, an speculativa.

S. Thom. 1. p. q. 1. art. 4.

Pertinet hæc etiā questione ad quoddam Theologij attributum; præsertim si, ut infra, docebim⁹, practicū & speculativū non sint differentiae essentiales habituū; sed tantū accidentales. Sunt autē de proposta questione variæ DD. sententiæ. Prima

est

est Alberti Magni in summa part. i. tract. i. q. 3. Scoti in prolog. q. 4. qui dicunt, Theologiam solum esse practicam, eo quod omnes veritates Theologiae, ut & fidei, nos inducant ad bene operandum, præcipue vero ad Deum amandum: videlicet obiectu saltem & remotè. Ex simili pene fundamento etiā Aureolus in prologo hac quæst. art. 3. docet, Theologiam simpliciter & purè esse practicam.

Secunda est Richardi q. 4. prol. & Gregorij Ariminensis q. 5. a. 4. q. ob simile causā dicunt, magis principaliter, adeoque simpliciter esse practicam; nō satis distinguētes inter se finē operis & operantis; seu finem scientiæ & scientis, ut dicemus.

Tertia est S. Thomæ hic q. 1. a. 4. vbi docet, sicut Dei scientia, qua se & alia cognoscit, simul est practica & speculativa; ita suo modo etiā esse Theologiā nostrā; magis tamē speculativa, quia principalius de Deo & rebus diuinis, quam de actibus humanis tractat. Quā doctrinā Caïetanus, Bannes, Zumel, alijq; recētores Thomistæ hic cit. q. 1. a. 4. ita interpretantur, ut afferant, Theologiam non esse simul formaliter speculativam & practicam; eò quod hæ sint differentiæ essentiales opposita, que non possunt eidem simplici habitui conuenire formaliter: sed vel formaliter quidem esse speculativam, eminenter vero solum practicam, ut dixit Bannes; vel vtrumque simul eminenter solum, ut docuit Zumel, & ferè Caïetanus.

Quarta sententia est, Theologiā respectu diuersarū conclusionum sive notitiarum, partim esse, formaliter speculativam; partim formaliter practicam. Ita sentiunt Nominales, & plures alii quos inferius referemus.

Vt hæc controuersia decidatur; Notandum primum, in quo consistat ratio intellectus seu habitus practici & speculativi. De qua re Aristoteles tractat præcipue in tribus locis, nimirum lib. 6. Eth. cap. 1. & lib. 3. de anima, & lib. 1. & 2. Metaphys. In primo loco distinguit duas animæ intellectivæ partes, seu functiones, vinam quia eiusmodi res contemplamur, quarum principia altera se habere non possunt; alteram, quæ ea consideramus, quæ esse alter possunt; quæ adeo bene aut male fieri a nobis possunt, ut sequenti capite explicat. Similia habet lib. 1. Mag. Moral. cap. 3. Harum autem functionum prior ad intellectum speculativum pertinet, posterior ad practicum.

Posteriori loco lib. 3. de anima tex. 46. ait: *Speculatus intellectus nihil speculatur agibile, neq; dicit de fugiendo & persequendo quicquam.* Et infra text. 49. *Itaque, inquit, hæc motus sunt secundum locum, intellectus & appetitus. Intellectus autem, (ille scilicet tantum motius est) qui propter aliquid distractinatur, & qui actius est: differt autem a speculativo fine.*

In tertio loco nimirum lib. 1. Metaphys. cap. 2. ita distinguit duo scientiarum genera; ut ex scientijs quandam dicat esse, *qua gratia supposuit, & propter ipsum scire, alias, quæ aliorum gratia eligenda sit.* Et infra ait: *Intelligere autem & scire eorum ipsorum gratia, illi præcipue scientia inest, quæ eius est, quod maximè scibile est, &c. Maxime autem scibilia,*

*inquit, sunt ipsa prima, & causa: propter hæc enim & ex yis cetera cognoscuntur; sed non haec per subiecta. Quia de causa etiam ibidem docet, scientiam illā, quæ sapientiæ nomen mereatur, speculatiuum esse, non practicam, aut factiuam, vt etiam ibidem cap. seq. demonstrat.*

Et lib. 2. Metaphys. cap. 1. text. 3. ait: *Recte autem se habet Philosophiam, scientiam veritatis contemplativæ appellasse: speculatiua etenim finis veritas; practica autem opus. Etenim si, quomodo se habent, considerant, non causam per se, sed ad aliiquid, & eo in tempore, practice speculatur.*

Ex quibus omnibus colligitur, intellectus, adeoque etiam habitum practicum differre a speculatiuo ratione obiecti, & finis, non extrinseci, sed intrinseci; qui nimirum finis scientiæ dicitur, non scientis: ita ut intellectus sive habitus practicus versetur circa praxin, seu opus aliquod, non quomodolibet (considerando videlicet solum naturam & proprietates eius; quomodo Physicus considerat naturam, auri, humanarumque operationum seu affectionum) sed modo operabili, hoc est, quatenus a nobis bene aut male fieri potest; quo ipso iam suā naturā & intrinseco fine notitiā illā (quæ idcirco practica dicitur) ad opus referri necesse est.

Quocirca minimè probatur, quod docet Ioannes de Bassolis quæst. 7. prolog. art. 3. & q. 8. art. 2. & indicat Gabriel Vasquez hic disp. 8. num. 23. & seqq. ad notitiam practicam requiri etiam actualem intentionem operis seu relationem ad opus. Neque enim id Aristoteles unquam docuit, qui finem, quo scientia practica differt a speculativa, appellavit ipsum obiectum, seu intrinsecum finem scientiæ ab obiecto desumptum, ut notauit etium Vasquez ibidem. Neque S. Thomas hic quæst. 14. art. 16. dixit, scientiam illam, *siquis adficatur consideret, qualiter posset fieri aliqua donus, non ordinans ad finem operationis, sed ad cognoscendum tantum, esse propriè & formaliter speculativam scientiam; sed speculatiua tantum secundū quid; nimirum quantum ad finem; quamvis etiam vocat practicam secundū quid; sed quo modo loquendi non significavit aliud, quam notitiam illā actualē non habere omnē omnino perfectionē notitię practicę in actu secundo; tametsi habitu simpliciter practica sit, ut recte etiam notauit Caïetanus ibidem.* Quodsi relatio actualem ad finem, ad practicam scientiam necessario requiretur; sive daretur scientia sive notitia aliqua, etiam habituum aliqui speculatiuum, vel practicorum, & quidem de obiecto speculabilium tantum, aut operabili, quæ simpliciter nec esset practica, nec speculativa; & rursum eadē sive scientia non tantum in diuersis subiectis, sed etiam in eodem, successu posset esse scientia practica, & non practica, sive speculativa. Denique non requiri actualem eiusmodi relationem ad notitiam practicam, habet communis Doctorum sententia, quam post Henicum in prin. arr. 36. q. 4. Scotum q. 4. prolog. Heruæum quodlib. 1. q. 3. art. 2.

Qdka-

Ockam q. 11. Gregor. Ariminensem in. i. d. 48.  
q. 5. a. 2. Marsilius q. 3. art. 3. Gabrielem q. 1. art.  
2. docent Molina hic a. 4. disp. 2. & Gillius lib. i.  
tract. 5. cap. 3.

Notandum secundò speculatiuum & practicum in proposito duplicitate considerari & accipi posse. Primo, ut ea sit denominatio alicuius habitus totalis, habentis unum quidem obiectum totale attributionis, sed partialia plura. Qua ratione iuxta receptum Philosophorum loquendi modum in Aristotele locis citatis fundatum, ille habitus simpliciter & absolutè dicendum est practicus, non speculatiuum cuius obiectum principale attributionis, sive id quod directè, per se & principaliter in eo tractatur, est praxis; seu actio vel operatio aliqua, qua ratione dirigi possit, qua talis; vel etiam ipsa res aliqua operabilis, prout à nobis bene vel male fieri potest: è contrario vero speculatiuum simpliciter & absolutè, non practicus dicendum erit ille habitus, cuius obiectum attributionis totale non est praxis, seu res aliqua operabilis, qua ratione bene aut male fieri potest; sed aliquid aliud, quod vel solum speculabile est; vt est Deus, Angeli, vel si quid etiam operabile est, non consideratur tamen aut spectatur modo operabili, vt in Physica aurum, triticum, & omnia corporalia animata & inanimata; ipse denique etiam homo, &c. Cuius rei hæc etiam ratio est: quia semper denominatio sumitur à potiori. Ergo rectè totus aliquis habitus vocatur practicus, aut è contrario speculatiuum, cuius obiectum totale attributionis est praxis; aut è contrario ut sic solum speculabile. Secundò verò potest hæc denominatio referri ad singulas notitias alicuius habitus; vt questio nimurum singillatim de singulis notitiis eiusdem habitus instituatur, an sint practicæ, an speculatiæ. His positis est

<sup>3</sup> Assertio I. Theologia simpliciter & absolutè loquendo est habitus speculatiuum. Hæc est doctrina S. Thomæ hic. q. 1. a. 4. Caïetani & Thomistarum, ibidem, item Heraui q. 4. prolog. Canis lib. 12. loc. cap. 2. Gregorij de Valentia q. 1. p. 3. §. 4. Molina q. 1. a. 4. disp. 2. Vasquez d. 9. cap. 3. & communis aliorum. Probatur ex dictis. Quia ille habitus simpliciter & absolutè loquendo est speculatiuum, cuius obiectum totale attributionis non est operatio, aut quid operabile, sed aliquid mere speculabile: sed obiectum totale attributionis in Theologia, non est operatio, aut quid operabile, sed solum speculabile; nimurum Deus, ut probauimus q. 3. dub. 1. Ergo, &c.

Et confirmatur assertio primo. Quia eadem ratione etiam Physica, & Metaphysica, absolutè & simpliciter sunt & dicuntur scientiæ speculatiæ; esto forte alicuius notitiae particularis in Physica obiectum, sit etiam praxis; v.g. Aurifacatio est hoe vel illo modo & medio possibilis: Metallum aliquo impedit circumstantis aeris frigore, promovetur calore; quanquam haec notitiae, si modo vere sunt, forte potius sunt alicuius artis, Physica innitentur, v.g. Chymicæ, quam ipsius Physicæ. E contrario vero Logica simpliciter dicitur practica; quia id quod principiæ in Logica tractatur

sunt praxes: esto forte una vel altera conclusio habeat obiectum speculabile tantum, aut praxis quidem, sed modo speculabili consideratam; vt quod demonstratio sive syllogismus demonstratiuum patiat scientiæ. Conformatur secundò, quia Theologia est sapientia, vt ex doctrina Aristotelis probauimus supra q. 2. dub. 5. sed sapientia est habitus speculatiuum, ex eodem cit. lib. 1. Metaph. cap. 2. Ergo, &c.

Assertio II. Theologia formaliter, nō solum eminenter, est speculativa. Ita S. Thomas hic a. 4. Gregorius de Valentia, Molina, Bannes, Vasquez locis cit. ex comuni, contra Zumel & ferè Caïetanum locis cit. Probatur quia ratio, & conditiones ad habitum speculatiuum requisitæ formaliter Theologiae conueniunt, & non solum eminenter. Quod autem Caïetanus hic q. 1. a. 4. dixit, esse speculatiuum formaliter eminenter, obscurum est; & intelligi vix potest, nisi hoc ipsum voluerit significare, formalem rationem speculatiui habitus Theologiae excellentissime conuenire: qua ratione nobiscum sentit.

Assertio III. Si de notitijs seu conclusionibus Theologicis sigillatim loquamus, Theologia secundum alias est speculativa, secundum alias practica, & quidem formaliter. Ita Capreolus q. 2. prolog. art. 1. Ockam q. 4. a. 3. Gabriel q. 12. Gregorius Ariminensis quæst. vlt. art. 4. Maior quæst. 6. Canis lib. 12. loc. cap. 2. Gregorius de Valentia quæst. 1. p. 3. §. 4. Molina quæ. 1. art. 4. disp. 2. Vasquez disp. 9. cap. 3. eademque est mens S. Thomæ, hic quæst. 1. a. 4. quomodo dicit, esse simul practicam & speculatiuum: & rursum ibidem q. 1. a. 5. vbi dicit, hanc scientiam quantum ad aliquid esse speculatiuum, quantum ad aliquid practicam; quicquid obstant Bannes, Zumel, & recentiores Thomistæ locis supra citatis.

Probatur. Quia quædam notitiae Theologiae versantur circa praxes qua tales, & modo practico, non minus quam Ethica; vt quæ sunt de actionibus humanis, in quantum bene aut male fieri possunt; vt patet in ijs materiis omnibus, in quibus de virtutum officijs, & vitorum turpitudine; aut de recta sacramentorum susceptione, vel administratione agitur, vt videre est passim in 1. 2. tota 2. 2. & in 3. parte S. Thomæ: quædam versantur circa speculabile tantum obiectum, nimurum circa Deum, Christum, resque diuinæ & creatas alias, vt videre est in tota 1. parte, & ex parte in 1. 2. ac passim etiam in 3. parte S. Thomæ.

Assertio IV. Idem specie habitus Theologiae secundum diuersas conclusiones sive rationes est partim formaliter practicus, partim speculatus. Ita Gregorius de Valentia, Molina, Vasquez locis cit. absolutè de uno specie habitu loquuntur, sive is sit una simplex qualitas, vt putant Valentia & Vasquez; sive non, vt existimat Molina: qui proinde eosdem, specie, sed non numero, habitus Theologiae putat esse simul practicos & speculatios. Eandem assertione indicant etiam Capreolus & Canis loc. cit. & est aperta sententia S. Thomæ hic q. 1. a. 4. & 5. adjuncto simul art. 3.

Contra illud tamen sentiunt Nominales citati,

qui exi-

qui existimantes, practicum & speculatum esse differentias essentiales habitum, (quod contra Scotum etiam tradit Aureolus in prol. hac qu. a. 2.) docent, Theologiam esse practicam & speculativam secundum diuersos habitus partiales specie distinctos, non secundum eundem specie habitum.

Sed oppositum est verius, nimirum practicum & speculatum non esse differentias essentiales habitus, vt etiam sentit S. Thomas hac parte q. 79. a. 1 r. & Scotus in prol. q. 4 & 5. & sūlus prosequitur Gillius lib. 1. tract. 5. cap. 7. Ratio est; quia rationes illæ non desumuntur, nec à ratione formalis Quæ obiecti totalis, nec à ratione formalis obiectuæ Qua sive propter quam ipsius habitus; quandoquidem stante ex parte obiecti totalis aliquius habitus, eadem ratione formalis Quæ & Qua, notitia aliqua sunt practica, vt dictum, alia speculativa; sed desumuntur solù à conditio-ne quadam materialis obiecti, & quidem in nostro proposito, partialis tantum. Quanquam vbi hæc denominatio sumitur à totali obiecto totius alicuius scientiæ, colligi ex ea potest etiam differentia quadam essentialis; præterquam quod habitus practici & speculativi semper accidentaliter saltem quadam specie inter se differunt. In quem sensum etiam Aristotelem lib. 3. de anima tex. 5. 3. & 1. Mag. Moral. cap. 32. & 6. Ethicorum cap. 1. vbi docet, practicum & speculativum genere differe, interpretatur Vasquez cit. disp. 9. n. 8.

Affertio V. Eadem tamen notitia seu conclusio Theologica, & de eodem obiecto, non potest, nec eodem, nec diuerso tempore, adeoque nec successivè quidem, esse simpliciter & propriè practica, & speculativa. Ita Molina loc. cit. post Ockamum a. 2. Gabrielem q. 11. a. 1. Ariminensem q. 5. a. 2. et si contrarium asserat Vasquez disp. 8. n. 26. Probatur. Nam si idem habitus circa eandem conclusionem, sive eadem notitia seu conclusio circa idem obiectum, successivè posset esse practica & speculativa, id fieret ideo, quod ad practicam notitiam requiretur etiam actualis relatio ad opus; quæ proinde, etiam circa unum & idem obiectum (quæ tamen sit praxis) posita, ipsa notitia practica est, non posità vero, non practica, sed speculativa; vti aut Vasquez loc. cit. non animalia ratio fingi potest, qua hoc fiat; sed id verè dicimus non potest, vti iam superiorius in primo notabiliter contra Bassolem & Vafquium docuimus: Ergo, &c.

Ex quibus iam facile etiam ferri potest iudicium de relatis superiorius sententijs, quæ doctrinæ S. Thomas hactenus exposita aduersantur. Non enim satis attenderunt ad rationem habitus practici & speculativi, superi⁹ ex Aristotele expositæ. Nec n. satis est ad practicam notitiam, vt referatur ex intentione aliqua extrinseca operatis ad praxis, vel etiā vt obiectuæ, per modum proponentis obiectu, moueat ad praxis, v.g. ad amandum Deum: sic enim etiam Metaphysica, inò & Physica, quatenus circa Deum & creaturas versantur, essent practicæ; quandoquidem etiam ex naturali cognitione Dei, & creaturarum, homo ad D E v M aliquo modo colendum moueri potest; iuxta Apostolum. Rom. c. 1. v. 20. & 21. & cōstat certè, Christiani hominis officiū vñ maximè esse, vt omnē suā cog-

nitionē ad honorē & amorē Dei, in se & alijs promouendū, referat: pari⁹; ferè ratione etiā ipsa visio beatifica esset scientia practica, quia obiectu mouet ad perennē dilectionē & cultū Dei. Sed requiritur ad notiā practicā, vt imēdiatē versetur circa praxin, sive rē operabilē, modo operabilis, dirigendo videlicet quantum in se est, circa illā, quaten⁹ bene vel male fieri potest, vt superi⁹ dictū. Id vero cum in Theologia à toto genere, & respectu talis obiecti attributionis, non sat, non potest ipsa aut simpliciter & absolute, aut p̄cipue practica dici, vt probauimus.

#### D V B I V M . I V .

### Vtrum Theologia certitudine alyscientijs & habitibus naturalibus antecellat.

S. Thom. 1. p. q. 1. art. 5.

**Q**uartum Theologiae attributū, quod hīc consideramus, est certitudo; quæ tametsi per se quidem sit quippiā absolutū, hic tamē vt ei⁹ cognitio sit plenior, respectu quoque & comparatiuē consideratur: cōparatione numeri facta cum alijs scientijs, seu habitib⁹ naturalibus evidenterib⁹: de supernaturalibus enim vix potest esse quæstio. Ut autē res hæc benè explicetur, necesse est, prius diuersas certitudinis rationes habere perfectas: q̄ varij variè affigantur. Nos omisla certitudine illa, quæ solius obiecti, sive complexi, sive etiā incōplexi, p̄pria est, & in ipso assensu, vel habitu formaliter nō reperitur: quæ verius immutabilitas in essendo, vel existendi necessitas, quam certitudo dicitur; certitudinem formalē in ipso etiā intellectu sive assensu, quæ sola p̄prie certitudo dicitur, cū S. Thomas in 2. 2. q. 2 a. 8. duplē distinguimus.

Prima est certitudo infallibilitatis; quæ S. Thomas ibidē vocat certitudinem ex causa, hoc est, ex ratione assentiendi; seu ex obiecto, non materiali, sed formalis. Quo, sive ratione formalis obiectu, p̄ptor quā; vt recte post Durandū in 3. d. 23. q. 7. nu. 8. Capreolū q. 1. prol. a. 2. notauit Caietanus in 2. 2. q. 4. a. 8. quæ ideo etiam vocari potest certitudo obiectu, seu ex parte obiecti; non quod in obiecto dūt taxat, & non in ipso etiā subiecto, hoc est, intellectu, seu actu ipsius insit, quemadmodū certitudinem obiectuam accepisse videntur Durandus & Caietanus loc. cit. sicut eriam Molina & Vasquez hic q. 1. a. 5. sed quia& actui cū obiecto complexo quodammodo communis est; & loquendo saltē de creatâ scientia, primario & originaliter ex ipso obiecto formalis. Quo prouenit, vt dictū; & recipit nihil aliud est, quam infallibilis veritas, seu ipsa infallibilitas assensus; vnde cunq̄ tandem infallibilitas illa oriatur. Atque hanc certitudinem etiā S. Thomas loc. cit. dicit esse potiorem; à qua simpliciter desumēda sit denominatio. Quod supponere videntur etiam alij Doctores; & tradunt communiter Thomistæ ibidem, & sequitur. Molina hic q. 1. art. 5. qui restitutinē assensus simpliciter in infallibilitate sitam esse docet.

Altera certitudo formalis, in ipso etiā assensu posita, est subiectu, sive subiecti, sive ex parte subiecti, vt loquitur etiā S. Thomas 2. 2. q. 4. a. 8. quæ in

quadam